



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 10 DE SU 25/01/2023

OGETU: *TRANSATZIONI PRETU IN TRIBUNALI ORDINÀRIU DE CASTEDDU N.R.G.9220/2019*

S' annu 2023, su 25 de su mesi di Gennàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

<i>Nòmini e Sangunau</i>	<i>Càrriga</i>	<i>Presenti</i>
Beniamino Garau	Sìndigu	Eja
Dessi Donatella	Assessori	Eja
Frongia Pietro	Assessori	Eja
Montis Giovanni	Assessori	Eja
Sorgia Silvia	Assessori	Eja
Solinas Marco	Assessori	No
Garone Katuscia	Assessori	Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Ca in su Tribunali Ordinàriu de Casteddu sighit su pretu (N.R.G. 9220/2019) intra de su Senn. XXXXX, su Comunu e s' ATS Sardigna, gestioni pagamentus, po sa rifata de is dannus ocasionaus de sa pèrdida de n. 84 pegus de brebeis;

Donau atu chi si funt costituius in giudìtziu siat s' ATS Sardigna chi su Comunu de Cabuderra, rapresentau de s' Ab. Tullio Masala, legali sceberau dae sa cumpangia chi assegurat sa responsabilidadi tzivili de su Comunu, Zurich Insurance PLC;

Sendi ca cunforma a is cunditionis generalis de assicuratzioni sa gestioni de is vertèntias de dannu funt de cumpetèntzia de s' Assicuratzioni;

Cunsiderada sa proposta de transatzioni presentada su 05.05.2021 de su Giugi Su Dotori Paolo Piana, chi narat: *“su Comunu de Cabuderra torrat sceti su dannu ocasionau de sa pèrdida de is pegus, sena rifata de dannus ocasionaus de ritardu e nimancu ocasionaus de pèrdida de guadàngiu; b. s' atori rinùntziat a àteras genias de rifata siat in is cunfrontus de su Comunu de Cabuderra chi de s' ATS; c. su Comunu de Cabuderra pagat is gastus de pretu de èurus 5.841,85, de custus 4.835 èurus po pagai a s'abogau in is fasis de stùdiu, fasi primàrgia e istrutòria; 725,25 èurus po gastus generalis 15%, 281,60 èurus po gastus esentis, cun in prus IVA e CPA; d. is gastus de pretu in su raportu protzessuali intra de Comunu e ATS s' ant a cumpensai intre is partis etotu.”*

Cunsiderau chi sa defensa de su Comunu iat presentau sa proposta de partziri sa rifata a su 50% cun s' ATS Sardigna e in s' udièntzia de su 22.09.2022 su Giugi iat invitau s' ATS a cunsiderai custa proposta;

Bida sa botza de atu de transatzioni in acàpiu a custa deliberatzioni etotu, chi previdit ca su Comunu de Cabuderra (e duncas po custu finas sa Zurich Insurance PLC, abarrendi firmu su patu de gestioni diretta de su pretu de su 28.01.2020) e sa Gestioni Pagamentus ATS Sardigna si ndi liant s' impinnu de pagai a su Senn. XXXXXX, donniunu po su 50%, sa suma de € 10.920,00 po capitali schetu, e € 5.560,25 po gastus legalis, paris cun àterus gastus de € 281,60, CPA e IVA, s' in casu si depant;

Arriciu parri a favori de regularidadi tècnica cunforma a s' art. 49, puntu 1, de su D.Lgs. n. 267/2000, dae parti de su Responsàbili de su Setori legali;

Ca su parri de regularidadi contàbili no bolit achiriu poita custu est un' atu chi no ocasionat gastu ni smènguat intradas po su Comunu (ca est faina de sa cumpangia assicuradora);

Cun votatzioni a favori e a totòmini cunforma a sa lei,

DELÌBERAT

De aprovai su schema de atu de transatzioni in acàpiu a custa deliberatzioni etotu – All.A);

De autorizai sa firma de sa transatzioni a su Sindigu;

De donai atu chi su gastu de sa transatzioni est in cabu a sa Zurich Insurance PLC e a sa ATS Regioni Sardìnnia gestioni pagamentus chi ant a pagai a su senn. XXXXXX, cada unu po su 50%, francu su vìnculu de solidariedadi, sa suma totali de € 10.920,00 po capitali schetu e € 5.560,25 po gastus legalis, cun s' aciunta de àterus gastus po una suma de € 281,60 e gastus atzessòrius CPA e IVA s' in casu si depat;

De donai atu chi cun votatzioni a parti si deccarat custa deliberatzioni esecutiva, cunforma a s'art. 134, puntu 4, de su D.Lgs. 18 de austu 2000, n. 267.
